

შპს „ნიავი“

ს/კ 230040808 ; ქ. ზესტაფონი, სტაროსელსკის ქ. №217 ; ტელ.: 5 51 88 83 33 ; E-mail: maxazoladze@gmail.com



სსიპ გარემოს ეროვნული სააგენტოს
გარემოსდაცვითი შეფასების დეპარტამენტს

შპს „ნიავი“-ს ზესტაფონის მუნიციპალიტეტის სოფ. პირველი სვირის ტერიტორიაზე, ფ/პ გივი დეკანოიძისაგან იჯარით აღებულ არასასოფლო-სამეურნეო მიწის ნაკვეთზე განახორციელა ქვიშა-ხრემის სამსხვრევის დამონტაჟება.

აღნიშნულ მიწის ნაკვეთზე 2017-2020 წლებში ფუნქციონირებდა შპს „ალპედე“-ს ქვიშა-ხრემის სამსხვრევ-დამხარისხებელი საწარმო, რომლისთვისაც შემუშავებული და 2017 წლის 07 აპრილს სამინისტროსთან შეთანხმებული ჰქონდა ატმოსფერული ჰაერის დაბინძურების წყაროების და მათ მიერ გაფრქვეულ მავნე ნივთიერებათა ინვენტარიზაციის ტექნიკური ანგარიში.

2020 წელს საწარმოს ტერიტორია გადაკვეთა სახელმწიფო ელექტროგადამცემი სისტემის 220 კვ ე.გ.ხ. „სურამი“-ს გადამცემმა ხაზმა. ობიექტის ინფრასტრუქტურის ნაწილი მოხვდა სახელმწიფო ელექტროსისტემის გადამცემი ხაზების გასხვისების ზოლში, მაღალი ძაბვის სადენების ქვეშ. სახელმწიფო ელექტროსისტემების სამმართველოს მოთხოვნით განხორციელდა სამსხვრევ-დამხარისხებელი ხაზის დემონტაჟი.

ჩვენს მიერ, განხორციელდა არსებული საწარმოს ტექნოლოგიური დანადგარების ნაწილის სხვა ადგილზე გადამონტაჟება.

ბუნებრივი რესურსების გადამუშავება შედის საქართველოს კანონის „გარემოსდაცვითი შეფასების კოდექსი“-ს II დანართის 5.1 პუნქტში, მეშვიდე მუხლის შესაბამისად ექვემდებარება სკრინინგის პროცედურას, ჩვენს მიერ მომზადდა სკრინინგის განაცხადი, რომელიც 2021 წლის 17 დეკემბერს წარდგენილი იქნა გარემოს დაცვისა და სოფლის მეურნეობის სამინისტროში.

რადგან, სკრინინგის გადაწყვეტილებამდე დაწყებული გვქონდა ტექნოლოგიური დანადგარების მონტაჟი, გარემოსდაცვითი ზედამხედველობის დეპარტამენტის მიერ, ჩვენს მიმართ შედგენილი იქნა ადმინისტრაციულ სამართალდარღვევათა ოქმი, რომელზედაც იმსჯელა ზესტაფონის რაიონულმა სასამართლომ.

სამინისტროს 12/01/2022 წ. N206/01 წერილით, გამოგვევგაზნა შენიშვნები, მათ შორის საწარმოს ტექნოლოგიური დანადგარების სახელმწიფო ელექტროგადამცემი სისტემის 220 კვ ძაბვის ეგზ „სურამის“ დაცვის ზონაში განთავსებისა და „ელექტრული ქსელების ხაზობრივი ნაგებობების დაცვის წესისა და მათი დაცვის ზონების დადგენის შესახებ“ საქართველოს მთავრობის 2013 წლის 24 დეკემბრის N366 დადგენილებით განსაზღვრული ნორმებთან თავსებადობის

დაზუსტების, ასევე ტერიტორიაზე დაგეგმილი საქმიანობის განხორციელებასთან დაკავშირებით საქართველოს სახელმწიფო ელექტროსისტემის პოზიციის შესახებ ინფორმაციის წარმოდგენა.

ზემოაღნიშნულის გათვალისწინებით, კომპანიამ არსებული ტექნოლოგიური დანადგარების განთავსების შეთანხმების მიზნით მიმართა სახელმწიფო ელექტროგადამცემი სისტემის ადმინისტრაციას, რომელთან შეთანხმებითაც დაზუსტდა ტერიტორია სადაც უნდა მოხდეს ტექნოლოგიური დანადგარების გადატანა (ინფორმაცია დეტალურად განხილულია 2.1. ქვეთავში).

შენიშვნების გათვალისწინებით და გარემოსდაცვითი შეფასების კოდექსის მე-7 მუხლის შესაბამისად შემუშავებული იქნა სკრინინგის განაცხადება, რომელიც 2022 წლის 01 აპრილს წარმოდგენილი იქნა სამინისტროში, ადმინისტრაციული საქმის წარმოების განახლების მიზნით.

სსიპ გარემოს ეროვნული სააგენტოს 05/05/2022 N21/1494 წერილით გამოგვეზავნა შენიშვნები, სკრინინგის განაცხადში ცალკეული საკითხების დაზუსტების მიზნით.

ჩვენს მიერ დაზუსტებული იქნა წერილში მოცემული ყველა საკითხი და მათი გათვალისწინებაც მოხდა სკრინინგის განაცხადში.

წარმოგიდგენთ შენიშვნების შესაბამისად გასწორებულ სკრინინგის განაცხადს. გთხოვთ განიხილოთ და მიიღოთ გადაწყვეტილება საქმიანობის გარემოზე ზემოქმედებისადმი დაქვემდებარების შესახებ.

დანართი:1. სკრინინგის განაცხადი და ელ. ვერსია.

2.პასუხები სააგენტოს 05/05/2022 N21/1494 წერილზე ცხრილის სახით.

პატივისცემით,

გივი დეკანოიძე

შპს „ნიავი“-ს დირექტორი და მიწის მესაკუთრე

